

I. N. J. C.
Catalogus

Lectio-
num per elapsu-
m semestre
Hybernum


In Gymnasio Regio-Revaliensi
habitarum,

et
per hoc semestre æstivum
habendarum.

*volentibus sic Gymnasii legibus nunc
primâ vice editus.*

Die 4. April.

Anno 1684.



REVALIÆ, Typis Christoph. Brendekenii,
Gymp. Typogr.



M ADAMUS Herold / Gymnasii Rector & Inspect. ut & SS. Theol. Hebr. Ling. & Philos. Prof. in Lectionibus Theologicis capitibus de naturâ Theologiæ, de religione Christianâ, de scriptura S, de articulis fidei & Theologiâ naturali diutius inhæsit, ob prærequisitam terminorum explicationem, & ipsius materiæ rationem, quæ in sequentibus fundamenti loco est supponenda, in quibus eò expeditius bono cum DEO perget. Disputationes quoq; Theologicas identidem habitas diligenter continuabit, & propediem quædam extraordinaria sub ejus præsidio habebitur. In Hæbraicis 13. Capita Geneseos analysi & versione absolvit, laborem istum eadem methodo, quæ & in Elencho ordinario defi-

317
definita est, continuaturus. In logicis lectiones partitus, absolutâ Categoriarum doctrinâ cum de Enuntiationibus, tum de usu earundem in Syllogismo per vices egit, eadēq; ratione per præcepta brevia & disputationes perget. In Physicis duos libros ad ductū Sperlingii ad finem perduxit, quam operam continuabit, in historiâ naturæ evolvendâ aliquandiu hæsurus. Inferioribus Theologiæ, Logicæ & Hæbrææ linguæ principia inculcavit. & in Theol. quidem pericoparū Evangelicarum occasione, ut statim ad Script: manuducerentur: in logicis per Regulas generales, exemplis præcipuè illustratas: in Hæbraicis vero, per resolutionem alicujus versiculi ex Opitii Bibl. parvis juxtâ tabulas quasdam succinctas adornatam. Privatim in N. T. Epist. ad Rom. & 1. ad Corinthios it. 17. Capita ex Evang. Johannis per analysin Grammaticam, Logicam & Theologicam pertractavit, additâ in tractatione Johannis, quam propedi-

5165
diem bono cum Deo absolvet, mnemonevti-
câ quâdam institutione & manuductione ad
Historiam Evangelicam eruendam. In latini-
tate, cujus in hâc ætate studium satis coli non
potest, absolvit 3. Ciceronis orationes: utpote
pro Roscio, pro Archiâ, & pro Milone, quas
modo per versiones ex latino Germanicas,
& ex Germanico latinas, modo per imitatio-
nes, cum ad Phrases tum ad Periodos & inte-
gra membra, modo per Amplificationes &
contractiones instituit; addito quoque creber-
rimè per casus & conjugationes variandi e-
xercitio, item observationibus perpetuis de
dictione latinâ per exempla varia illustratis.
Nuper inventionem Rhetoricam & impri-
mis locorum Topicorum usum per exem-
pla explicare orsus est, in quo labore assi-
duè perget, cum institutione ad epistolas
conscribendas. Collegium quoque Ethicum,
in quo aliquot capita ad ductum Itteri ex-
plicavit, continuabit.

MICHAEL

MICHAEL SIGISMUNDI, Professor Græcæ Lingvæ,
in Professione sua, præterlapsò semestri, in Prima
Classè, ex Orationib⁹ Isocratis *Λόγον τῶν Πρωσιτικῶν πρῶτον, πρὸς Δη-
μονικόν,* secundum Methodum in Elencho nostro designa-
tam, absolvit; ut & aliquid *Ἐκ τῶ Λόγου τῶν Συμβουλευτικῶν πρὸς Περ-
σὴν τῆς Ἐιρήνης, ἢ, Συμμαχικῆς* explicuit.

In N. Tto, dimidiò Evangelii Lucæ, ante novum Elen-
chum adornatum, absolutò, in eodem continuavit, & alte-
rum quoque; ejus dimidium, intra commemoratum tempo-
ris intervallū, absolvit; quò factò, ad sequentem Evange-
listam Johann. est progress⁹, tertiâ ejus parte jam absolutâ.

In Secunda Classe, captui Discipulorum se accom-
modans tres Epistolas jam dicti Evangelistæ Johan-
nis, & aliquot capita ex Evangelio ejusdem absolvit; die
autem Saturni Evangelia Dominicalia percurrit, hæcque o-
mnia, secundum Præcepta Welleriana, pertractavit. Fu-
turò autem, Deo dante, semestri, locò Isocratis, Hesiodum
in Prima tractabit; in reliquis verò Lectionibus, in
utraq; Classe, prædictò modò, continuabit.

Henrich Julius Woltemate/ M. & J. P. in Mathesi qua-
tuor priores Libros Euclidis, cum uno, vel altero usu,
cuius penè propositioni adjuncto, & Geographiam
duplicem per definitiones, & problemata maximè ne-
cessaria explicavit; Politicam Cellarii ab initio in Libri
secundi sexto capite, ac Institutiones juris in medio Libri
itidem secundi attigit. Imposterum, Deo annuente, Eu-
clidis quintum & sextum Elementum cum sphericâ ali-

X 3

quibus

quibus horis; Et præterea Politices Jurisq; Lectiones continuabit. Privatim Geometriam cum utraq; Perspectivâ, & Fortificatoriam in Chartâ & Campo docet, atq; ad firmandam Praxin, Fortalitiū aliquod, in quovis latere polygoni septem virgas Rhenanas longum, cujus orthographia vario opere ut incrustato, Cespitio, &c. absolvetur, Mense Majo, constructurus Est.

M CHRISTIANUS EBERHARDUS MORIAN, P.P. absolutis ex Marone Eclogis, Horatium, & post invecivum Ovidii in Ibin carmen Metamorphoses ejusdem legit, & cum Buchanani psalmis Terentii comedias continuabit, observatâ hæcenus consuetâ methodo, ut præter factam ad literam textus expositionem, penitus in ejus sensum & scopum inquiratur, Mythologia evolvatur, dictionis artificium ex Rhetoricis atq; Poëticis præceptis ostendatur, inq; Orationibus, Chrijs, imitationibus, aliisvè, variò contexendis caractere, poëmatibus, tam publicè, quàm privatim, applicetur.

JOHANN. RUDOLPH. BREHMUS, Eloqv. & Hist. Prof. Q. Curtio Rufo, quem hæcenus explicuit, proximo semestri Ciceronis libros de Officiis substituet, ubi textu philologicè pertractato, & quæ ad elegantiorē literaturam facere videntur, ostensis, monita, quæ occurrunt, moralia simul eruet atq; explicabit. Epistolis Ciceronis, è quibus selectas, & ad genera causarum accommodatas, tractavit, ejusdem Ciceronis Orationes Catilinas aut pro Ligario atq;

2121
atq; De Jotaro subjunget, quas Rhetoricè atq; Philologicè pertractabit, ut præter puritatem & elegantiam Latini sermonis styli etiam diversitas & disponendi artificium cognoscatur. In præceptis Rhetoricæ Vossianis circa Pathologiam substitit, in qua in posterum ita perget, ut doctrina affectuum nervosis præceptis tradita, perspicuis & accommodis exemplis illustretur. Inferioribus tropologiam atq; schematologiam quam planissimè tradet. Utq; exercitiò syntheticò in usum tradita omnia transferantur, uti hæcenus, ita & porro propositis variorum thematicum elaborationibus auditorum commoda promotum ibit. Prope diem etiam duas, an amnestia Comiti Töckelio concedenda, Orationes ductu suo ab auditoribus elaboratas, publicè recitandas curabit. In Commentariis Sleidani de IV. Summis Imperiis, seculum à Christo nato primum nuper absolvit; conjunctis cum Sleidano, si copia earum datur, tabulis Boxhornii Chronologicis, perrecturus jam ad sequentia, & methodò hæcenus consuetâ ita traditurus, ut historiâ prophanâ cognitâ, perceptisq; Synchronismis, via simul ad historiæ Ecclesiasticæ cognitionem sternatur. Privatim Collegium progymnasticum nuper absolvit, & aliquot Orationes ex Cicerone atq; Mureto pro captu discipulorum pertractavit, perrecturus porro, prout è re auditorum esse videbitur. Logicam denuo nuper incepit, præcepta exemplis perspicuis illustraturus.

IN inferioribus Clasibus Collega MICHAEL GÜNTHERUS elapso semestri Capita Pietatis Christianæ ex Catechismo
Lu-

4513
Lutheri & Corpore Doctrinæ Matthæi Judicis Studiosæ Ju-
ventuti inculcavit. In Grammaticis præcepta Etymologi-
ca & Syntactica tradidit, eaq; qvater absolvit, singulisq;
hebdomadibus trinis vicibus Exercitia Styli extemporanea
dictavit; in Profodia verò superiores eos profectus fecere,
ut versus disiectos facili negotio in ordinem redigere pos-
sint. In Colloquijs Corderi à Colloquio vigesimo quinto Li-
bri V. usq; ad finem perventum est, prævitq; Præceptor
Clasficus exponendo, resolvendo, construendo & imi-
tando. Quod Phraseologian concernit, discipuli tertiæ
Clasfis primi absolverunt Librum primum Fasciculi Phra-
sium; imi Farraginem. Præterea Rudimenta Græcæ Lin-
gvæ proposuit & Arithmetica docuit. DEUS porro ex alto
benedicat Laboribus nostris!

JACOBUS Bier/ Cant. Gymn. cum per discipulos, quos nu-
per, suscepto officio, invenit, non potuerit ultrà principia
musices progredi, hisce quidem quamdiu opus erit, im-
morabitur, ad altiora autem tractanda pro frequentia
& capacitate discientium sedulo aspirabit. In reliquis, ad
elementa eruditionis, Juventuti præibit diligentissime.

Adjicietur impofterum designatio disputationum, Oratio-
num, aliorumq; exercitiorum ab Alumnis nostris habitorum,
una cum eorum nominibus, ut diligentioribus laudi, reliquis in-
citemento sit. Quæ quidē nunc eum ob finem omiffa est, quia ini-
tiis eorum parcendum duximus. Designatio autem hac ratione
instituetur, ut diligentiorum nomina cum exercitiis, reliquo-
rum vero nuda exhibeantur.

F I N I S.